

Arkiv: FA-U01
JournalpostID: <jplD> 20/20062
Saksbehandlar:
Dato: 18.04.2020

Saksframlegg

Saksnr.	Utvalg	Møtedato
028/20	Utval for næringsutvikling og drift	29.04.2020

**Søknad til næringsfondet - Mikro Grønt AS. Produkt- og marknadsutvikling
Rådmannen sitt framlegg til vedtak:**

Prosjektet «Produkt- og markedsutvikling» blir tildelt kr 150 000 frå Næringsfondet i 2020.

Utval for næringsutvikling og drift 29.04.2020:

Behandling:

Utvalet handsama saka for "lukka dører".

Utvalet vedtok samrøystes rådmannen sitt framlegg.

ND- 028/20 Vedtak:

Prosjektet «Produkt- og markedsutvikling» blir tildelt kr 150 000 frå Næringsfondet i 2020.

Politisk handsaming

Saka skal avgjerast i utval for Næringsutvikling og drift.

Bakgrunn

Grønsaker, urter og vekster som blir hausta og nytta berre 1 – 3 veker etter dyrking, omtalast ofte som mikrogrønt. Verksemda opplyser at mikrogrønt har blitt ein verdstrend. Mikro Grønt AS har lukkast med å verta ein sentral leverandør til restaurantar, kantiner og forbrukarar i Vestland. Verksemda ønskjer no å omstille seg til å verta ein leverandør av langt fleire produkt. Ei omstilling som vil gje verksemda fleire bein å stå på og eit potensiale til å mangedoble omsetninga.

Saksopplysninger:

Om prosjektet

Bakgrunnen for prosjektet er å kunne tilby marknaden pulver av mikrogrønt, som kosttilskot. Pilotprodukt er blitt laga for prosjektet, men det gjenstår å etablere sjølv produksjonen og gjennomføre marknadsarbeid.

Produksjonsprosessen for kosttilskotet er etablert. Ein naudsam dokumentasjonsstudie vil verta gjennomført fram mot sommaren, og då gjenstår det å utvikle produkta saman med aktørar i marknaden.

Mikro Grønt AS har etablert eit samarbeidsprosjekt med Haukeland Universitetssjukehus med å

kartleggja næringsinnhaldet i mikrogrønt som kosttilskot i pulverform. Forsøket er støtta av MobiFORSK. Mikro Grønt AS ønskjer å etablere ein produktportefølje på pulver til kosttilskot, og det gjenstår å etablere ei effektiv produksjonsline og gjennomføre marknadsarbeid i samarbeid med aktørar i marknaden, etter at pilotprodukt no er ferdig laga. Det er blant anna tenkt at kosttilskotet kan vere eit bidrag til sjukehusmat.

Verksemda har også nyleg etablert produksjon av olivenolje og salt tilsett urter. Kundar etterspør produktet, og produkt og produksjonsprosess er klare. Marknadsanalyse, strategi og etablering av salskanalar mot riktig segment må gjennomførast. Andre produkt, som vegansk ost og grønsaksjuice, er under planlegging og utvikling.

Mikro Grønt AS fokuserer på berekraftig og «grøn» produksjon, ved å redusere matsvinn og resirkulere plast. All plast blir samla inn og reingjort i eit samarbeid med verksemda Gløde i Alver.

Verksemda har etablert gode kundeforhold med kokkar, restaurantar, kantiner, grossistar og sluttbrukarar via REKO-ringen, og opplever god etterspørsel etter etablerte og planlagde produkt, men reduksjon i salet under koronatida.

Vurdering

- Dette prosjektet fell innanfor dei godkjende vedtektene for Næringsfondet.
- Prosjektet stimulerer til ei berekraftig næringsutvikling og til omstilling med ny teknologi.
- Verksemda har invitert til samarbeid med andre verksemder i Alver og skaper ny vekst i etablerte SMB-verksemder.
- Prosjektet viser nytenking innanfor nye og spanande marknader.
- Prosjektet opplyser ikkje om det resulterer i nye arbeidsplassar i Alver.

Vedlegg i saken:

18.04.2020	Søknad Mikro Grønt AS. Produkt- og markedsutvikling	1374442
22.04.2020	Mikrogrønt - Søknad til Næringsfondet (L)(66553)	1376078